

Libertat ta loke **Kristu Hesus** a bin trese pa nos, **Libertat** pa nos por disfrutá di un bida yen di **Abundansia** (**Juan 10:10**).

Libertat sin **Obediensia** ta loke ta trese **Káos!**

Libertat sin **Obediensia** ta loke ta trese **Desapunto** i **Dios Tata** no kièr abo ta **Desapuntá**.

Libertat sin **Obediensia** ta loke ta trese **Desunion** i **Dios Tata** kièr ta den **Unidat** ku abo.

Libertat sin **Obediensia** ta loke ta trese **Desórdu** i **Dios Tata** kièr un kas na **Órdu**.

Libertat sin **Obediensia** ta trese **Desengaño**, pero **Dios Tata** kièr abo sa di **Su Bèrdat**

Libertat sin **Obediensia** ta trese **Desepshon**, pero **Dios Tata** kièr abo sa di **Su Fieldat**.

Libertat sin **Obediensia** ta trese **Deskonekshon**, pero **Dios Tata** kièr **Un Relashon** ku abo.

Libertat sin **Obediensia** ta loke ta trese **Problema, Probesa, Piká, Perdishon i Partishon**. **Dios Tata** kièr abo sa, ku abo por biba **Liber** di tur **Problema, Probesa, Piká, Perdishon i Partishon**, si abo disidí di biba un bida den **Obediensia** di **Dios Tata** su **Enseñansa** (**Mateo 5:17**).

I lo mi kana den **Libertat**, pasobra mi ta buska, jen di anhelu, **Bo Preseptonan** (**Salmo 119:45**), pasobra e **Lei** di e **Spiritu** di **Bida**, ku ta den **Kristu Hesus** a hasimi **Liber** di e lei di **piká** i di **morto**. Pasobra loke **Lei** no por a hasi, komo ku e tabata debil dor di e **karni**, **Dios Tata** a hasi: mandando **Su Mes Yu** den e semehansa **di karni di piká** i komo un **Ofrenda** pa **piká**, **EL** a kondená i kibra basha abou, destruí i depriva di tur su poder; pa tur esnan ku kièr risibí **Su Ofrenda** (**Romanonan 8:2-3**).

E Spiritu di Señor DIOS ta riba mi, pasobra **SEÑOR** a **Ungimi** pa hiba **Su Bon Notisia** na esnan aflagí ku **problema i probesa**; **EL** a mandami pa **Kura i Libra** hende di kurason kibrá jen di **desengaño i desepshon** i pa **Proklamá Libertat Fisiko i Spiritual** na katibunan di **piká**, i **Libertat** na prezunan, esta esnan oprímí, gòlpia, heridá i destrosá dor di kalamidat (**Isaias 61:1 & Lukas 4:18**).

Nos Libertat i Obediensia Balioso!

Meskos ku un esposa ta mará na su esposo tanten ku su esposo ta na bida (**Obediensia**); ora su esposo muri, e tin **Libertat** pa kasa ku ken ku e ta deseá, basta ta den **Señor** (**1 Korintionan 7:39**). Asina aki ami mester tene kuidou pa e **Libertat** aki, di un manera òf otro, no bira un piedra di trompeká pa esnan ku ta debil, dor ku ami no ta den **Obediensia** (**1 Korintionan 8:9**). Ami no por husa mi **Libertat** pa hasi loke ami kièr sin ta den **Obediensia** na **Dios Tata**, pasobra tur kos ta **pèrmití** i **moralmente legítimo**, ma no ta tur kos ta **Kumbiní** i ta **Benefisioso**. Tur kos ta **pèrmití** i **moralmente legítimo**, ma no ta tur kos ta **Konstruktivo** i ta **Edifiká** (**1 Korintionan 10:23**).

Awor **Señor** ta e **Spiritu** i kaminda e **Spiritu di Señor** ta, ei tin **Libertat** (**2 Korintionan 3:17**), anto ta pa e **Libertat** aki **Kristu Hesus**, **Esun Ungi** a **Librá** nos **Kompletamente**, asina ta keda para fuerte den **Obediensia** i no sea sometí atrobe na un yugo di sklabitut for di kual abo a wòrdu **Librá** (**Galationan 5:1**).

11 ougùstùs 2017

Sea Bendishoná den e Amor di Yeshua Mesias

Rev. Remsly L Riley